

長春子磻溪集卷之二

友二

磻溪集卷之二

友二

棲霞長春子丘處機撰

七言絕句

關中土民純質嚮善者甚衆道門尚  
七釋氏轉八每至年交各大集其衆

午後於聖前禮誦經懺謂之禮正至  
一月終方畢

雪霽春光顯太平風和日暖倍鮮明高歌合  
會休懷悶大煮圓焦作禮正

答樊生

莫問天機事怎生唯修陰德念常更人情反  
覆皆仙道日用操持盡力行

劉二道友索其人愛飲酒奕碁

歡來日飲千鍾酒靜處時揮一局碁白髮流  
年當遠鑑紅塵閑事莫多知

警涇陽強居 二首

隋何陸賈總歸空千古惺惺一夢中爭似忘  
機合著口潛心捉住九天風

百年萬事一場空急景渾如過隙中浮世柰  
何人不悟癡心剛待撮春風



寄楊五信士

題詩欲寄紙還無  
檢帙搜文得故書  
書後殷勤題一絕  
囑君行善莫踟躕

還楊五所惠紙扇

謝公惠我白芭蕉  
山谷多風不用招  
城市炎

天無爽氣請君執  
捧自閑搖

答喬生彼新喪偶欲休心入道

物外歸心絕大魔  
閑中遣興益高歌  
靈臺著慾於今少  
健骨乘風已後多

題楊五紙扇

突兀高峯上倚天  
巉巖絕壁遠含煙  
披襟自古嵩陽客  
傲世從來華嶽仙

題王生紙扇

自愛寥天夏日長  
誰憎酷暑火雲昌  
三焦毒熱多年盡  
一握清風萬古涼

題喬生紙扇

炎炎赤日火雲飛  
路上行人汗浴肌  
碧洞深山無事客  
優游松下正揮棊

題王二紙扇

蕤賓節後轉加炎  
毒熱薰蒸無處潛  
唯有長



春碧巖洞清涼終日自安恬

題周道全紙扇

谿風颯颯如霜下  
澗水泠泠似雪翻  
盡日殊無勞役重  
何時更有鬱蒸煩

題龐氏藤扇

纖纖妙理織銀絲  
習習輕風散玉姿  
秋後雖然颺運爽  
待君應也不多時

灤裏陳氏草堂

茅堂高結半原陰  
喬木參差翠竹深  
車馬不聞名利遠  
安閑終日好棲心

段生放棹值水漲漂沒空身還歸

段生放棹下西山時值波濤盡出關回首無  
心怨河伯高歌且喜脚輕還

飛仙

蓬萊方丈及瀛洲三島神仙一處游混合九

友二

天無罣礙飛騰八極信周流

三

鍾呂畫

無我無人性自由一師一弟話相投談經演  
法三山坐駕霧騰雲萬里游

景福山居 二首



虎嘯烈風潛獸愕魔交長夜睡魂驚何時樸  
直道心顯慧日開張天眼明

景福淹沉人事少龍門閑澹虎溪清時聞結

果加咤語似聽鉤輒格磔聲

山間一種紅雞作結果加咤聲

入山樵採者戲語以雪安也下  
去轉之鉤輒格磔鷓鴣鳥聲也

### 述懷 四首

我道欲求神自放龍門時復虎相干山頭烈

火三冬熾澗底陰風五月寒

清虛妙理橫天下大樸淳風滿世間至道有

名那見實通人無語自知還



入道根源唯自許出塵消息有誰知南華始  
遇逍遙樂北海終投汗漫期

野鶴孤雲閑活計清風明月道生涯千山磊  
落收雲氣四海光明耀日華

隴州楊氏携月桂栽見訪

四首

汨沒塵埃甚可憐追隨俗態幾經年偶因上  
士遊山水得遇高真伴聖賢

一枝孤秀倚寒山四海群芳懷醜顏若遇清  
風佳氣會天香飄落滿人寰

遊初稟氣得真詮續艷聯芳似火傳世上百

花難逮月人間唯此可窮年  
樹密山高隱地蟠風多露少怯天寒他時復  
向蟾宮裏五嶽雲收四海觀

放鴈

放去欲齊支遁鶴籠歸寧倣右軍鵝雖符莊

友二

四

子能鳴義恐學茅君著愛魔

隴州堂下清夢軒

清夢軒中清士居清閑高卧養真如真如養  
就清無夢無夢清歡樂有餘

答隴州蕭防判書召因事別隴山過



亭川屆石灰寺盤桓數日越趨未決  
公書忽至欣然乃還

俄聞寵命發沂涯便欲安閑卧隴西黃鵠不  
思千里舉白雲猶戀故山棲

自亭川回路次望龍門山

南望龍門一豁開東遷鶴馭再頭迴深知此  
域因緣重未許他方道德該

答曹王妃休休道者書召

山潛洞壑非高尚自揣襟懷寔蔽蒙無益虛  
名相混雜不教閑坐養盲聾



答京兆統軍夾谷龍虎書名

休休道者方歸去赫赫王侯又到來自愧中  
心無道術空教外跡播塵埃

贈雲外子孫可道西州行化

歷歷西州向道多道人行止足乖訛公當策

友二

五

蹇尋山郡糾察無令外道魔

寄扶風榮宰

原心自得魚鱗大用指何妨馬骨高居室有  
誠還可信下堂無智亦徒勞

惻隱

狗病無人煎粥湯  
驢寒倒地四肢殭  
爲人不解修陰德  
轉殼何由免禍殃

下手遲

日月忽忽頂上飛  
光陰忽忽眼前移  
回頭返顧即成老  
下手速修猶太遲

聰明

修行大抵要聰明  
祇恐聰明向外呈  
外假內真兩相尅  
一邊敗後一邊成

棄本逐末

一念無生即自由  
千災散盡復何憂  
不堪下



劣衆生性日夜奔馳向外求

進呈世宗皇帝

九重天子人間貴十極仙靈象外尊試問一方終日守何如萬里即時奔

答寧海書召

雪滿群山路不通天教車馬不西東可憐寧海官民意目斷西山一望空

聞詔起玉陽公戲作

三竿紅日自由睡萬頃白雲相對閑只恐虛名動華闕有妨高枕卧青山



春晚登眺

殘花冉冉飛紅雨  
落日依依散白毫  
遙望西山官堠子  
倚天孤聳一拳高

春寒

海上春風日日顛  
山頭春色幾時妍  
清明過

文二

六

了朱明近未有紅芳到眼前

陽九百六

劫運天災不可當  
高真上聖救無方  
直須受盡豐年孽  
得昇平入道場

公山余鄉公山之陽故作是詩

十四首

公山隱隱挿蒼穹  
松影森森鎖碧空  
頂戴松花喫松子  
松溪和月飲松風

松風習習透松煙  
習習松煙散九天  
天外輕盈籠萬象  
交光日月共廻旋  
千尋瀑布清明秀  
一派嵐光氣勢雄  
時被祥

風吹作雨瀟瀟  
溟漠灑虛空

青城華嶽與天台  
怎比吾山至大哉  
一簇峯巒千萬仞  
威儀真不讓蓬萊

公山高隱白雲宮  
宮壓公山第一峯  
峯上白

雲飛不斷悠悠來  
去惹青松



參差山色有無中  
半入幽冥半入空  
依約天涯尋不見  
飄飄常被白雲籠

公山自古白雲多  
結蓋層層入大羅  
出沒群仙常不見  
雲中唯聽洞仙歌

仙歌縹緲入公山  
漸入公山太一壇  
壇上諸

友二

七

仙安藥鼎時時燒  
出大還丹

撞開天漢拂星辰  
獨坐蟾宮抱日輪  
夜牧靈龜朝引鶴  
飢餐松實冷披雲

山頭點起一輪燈  
天下妖魔盡不生  
唯有堂

堂圓覺士松間獨  
弄寶珠行



公山春

閑遣青龍耨月華同驅白虎種黃芽黃芽欲  
發雷霆震迸出青龍白虎牙

公山夏

陽光潑潑火雲凝海底蛟龍即上昇徧撮山  
頭三伏暑却教化作一團冰

公山秋

雲興霞爍映天衢松密山高壓地圖絕頂崢  
嶸人不到昭昭獨放月輪孤

公山冬

同雲漠漠雪霏霏凜冽寒風刮地威吹起山  
中無限景瑤花瓊萼滿天飛

東萊即墨之牢山三圍大海背俯或作

負平川巨石巍峩群峯峭拔真洞天  
福地一方之勝境也然僻於海曲舉

世鮮聞其名亦不佳予自昌陽黜罷  
抵於王城永真觀南望煙靄之間隱  
隱而見道衆相邀遷延數日而方屆  
遂閑吟二十首易為鼇山因清暢道

風云耳



卓犖齧山出海隅霏微靈秀滿天衢群峯削

巖幾千仞亂石穿空一萬株

道祖二宮南鎮海謂上清宮太清宮也王明三峒北當

途謂太平興國觀道南也是知物外仙游境不向人間

作畫圖

支二

初觀山色有無時十日遷延尚未之咫尺洞

天行不到空餘吟詠滿囊詩

浮煙積翠遠山城疊嶂層巒簇畫屏造物建

標東枕海雲舒霞卷日冥冥

三圍大海一平田下鎮金齧上接天日夜潮

頭風輓雪彩霞深處有飛仙

佳山福地隱仙靈萬壑千巖鎖洞庭造化不  
教當大路為嫌人世苦膾腥

牢山本即是鼇山大海中心不可攀  
上帝欲令修道果故移仙跡近人間

重崗複嶺勢崔嵬照眼雲山翠作堆路轉山  
腰三百曲行人一步一徘徊

松巖鬱岨瑞煙輕洞府深沉氣象清怪石亂  
峯誰變化亘初開闢自天成

因持翰墨寫形容陟彼高崗二十重南出巨



平千萬疊一層崖上一層峯

四更山吐月猶斜直上東峯看曉霞日色麗

天明照海金光射目眼生花

天柱也峯巍峩獨建標上穿雲霧入青霄不知

日月星辰謝但覺陰陽氣候調

友二

洞有佳名號白龍也洞不知何代隱仙蹤至今

萬古人更變猶自嵌巖對老松

洞有仙名喚老君也洞神清氣爽獨超群憑高

俯視臨滄海守靜安閑對白雲

華蓋真人宋太祖時得道者也上碧霄道山從此鬱清

標至今絕壁幽巖下尚有群仙聽海潮

修真野客非才子行到鼇山亦有詩只欲洞

天觀海日不勞雲雨待青詞

白髮蒼顏未了仙遊山翫水且留連不嫌天

上多官府只恐人間有俗緣

修真却似上山勞脚脚難移步步高若不志

心生退怠直趨天上摘蟠桃

鼇山三面海浮空日出扶桑照海紅浩渺碧

波千萬里盡成金色滿山東

山川皆屬道生涯萬象森羅共一家不是聖



賢潛制御乾坤那得久光華  
可歎巍巍造化功山河大地立虛空八荒四  
海知多少盡在含元一氣中

大安己巳膠西醮罷道衆相邀再遊  
鰲山復留題二十首

上清宮 十首

醮罷歸來訪道山山深地僻海灣環棹船即  
向波濤看化出蓬萊杳靄間  
群峯峭拔下臨淵絕頂孤高上倚天滄海古  
今吞日月碧山朝夕起雲煙

青山本是道人家  
況此仙山近海涯  
海闊山高無濁穢  
雲深地僻轉清嘉

怪石嵌空自化成  
千竒萬狀不能名  
斷崖絕壁無人到  
日夜時聞仙樂聲

曉日曛曛漸起雲  
山色慘澹不全真  
直須更

上山頭看似駕天風  
出世塵

友二

十

巨石森森嶺上排  
巔峯岌岌到無階  
三秋水

凍層冰結九夏雲  
寒疊嶂霾

海上觀山勢轉雄  
清高突兀倚虛空  
朝昏磊

落生雲氣變化皆  
由造物功



陝右名山華嶽稀江南尤物九華奇  
鼇山下枕東洋海秀出山東盡不知  
重重疊疊互相遮簇簇攢攢競闖嘉  
眼界清涼心地爽神仙自古好生涯  
五嶽曾經四嶽遊群山未必可相儔  
只因海角天涯背不得高名貫九州

太清宮十首

煙嵐初別上清宮曉色依稀路徑通  
纔到下方人未食坐觀山海一濛鴻

雲煙慘澹雨霏微石洞留人不放歸  
應是洞

天相顧念一生嗟我到來稀

雲海茫茫不見涯潮頭只見浪翻花高峯萬  
疊連雲秀一簇圍屏是道家

松風澗水兩清幽盡日清音夜未休野鶴時  
來應不倦閑人欲去更相留

友二

十一

溪深石大更松多鬱鬱蒼蒼道氣和不是歷  
年樵採衆浮雲蔽日滿巖阿

貫世高名共切雲遊山上士獨離群仙卿貴  
重三茅客仕族尊榮萬石君

西山仰視刺天高山上仙家種碧桃桃熟幾



番人換世洞中秦女體生毛  
清歌窈窕步虛齊月下高吟鳳舞低談笑不  
干浮世事相將直過九天西  
煙霞紫翠白雲高洞府群仙醉碧桃鼓透碧  
巖雷震駭滿山禽獸盡呼號  
道力神功不可言生成萬化獨超然大山海  
嶽知輕重沒底空浮萬萬年

八月十日自昌樂縣還濰州城北玉

清觀作中秋詩

十五首

西縣東來至玉清金風一掃暮天晴開懷便

賞中秋月只恐臨時悔不明  
萬木西風徧九州嚴光一夜向西流出塵爽  
氣清人骨是處歌歡不解留  
初離海嶠有餘清萬國歡心賀太平但願寶  
光無晦朔不教天質有虧盈

渾金璞玉上天衢抱雪凝霜耀太虛四海百  
川無不鑿群生萬象悉安居

一片清光萬里開無分茅屋與樓臺家家盡  
得閑吟賞更有清風助快哉

有客徘徊望太虛開尊專欲賞蟾蜍蟾光不



解留人意澹澹青霄只自如  
金波晝夜不曾閑淡蕩清輝出海山素魄高  
昇游物小恩光下照滿人間

碧漢崢嶸自有期天光照耀本無私却憂下  
土昏魔重不見金輪出現時

友二

團團皓月挂空虛百鍊青銅鑑不如一切水  
中皆影現群魔摘膽盡消除

桂影朦朧下照人縱橫萬古不知因何當跨  
鶴雲霄上俯視青天白玉輪

雲去雲來不暫停朝昏恍惚變陰晴今宵幸

對嬋娟質剩作新詩暢道情

年年此際殺生多造業彌天不柰何幸謝吾  
皇嚴禁切都教性命得安和

聖主登基萬物安仁風滅殺自朝端邦君士  
庶皆修德好放蟾光與衆看

靜夜迢迢起黑雲衆生無分樂天真空中自  
是雲遮眼天外何曾月避人

百歲光陰瞬息間中秋幾度得開顏不如鍊  
性如秋月晃朗身心自在閑



